



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

3. Paupertas læta.

[urn:nbn:de:hbz:466:1-68709](#)

II. (b) Deus et si pedibus non utitur , mente tamen perambulat universa , & nimis quām oculatē explorat mortalium omnium dicta , facta , cogitata : bona , malāque. Quoties pulsat divitum turres , pauperūmque tabernas , per inspirationes & instinctus cælestes , per quos , tanquam prodromos aut feciales suos admitti petit , audiri que. Nihil tamen impetrat , nisi apud paucissimos , eōsque plerumque egentioris fortunæ , quibus paupertate magistrā stat virtus. Ex hac repulsa calamitates tam publicæ , quām privatae immittuntur , quibus pessimè perireunt , quos nimia prosperitas extulit. Merguntur opes vel male paratae , vel male adhibitæ ; & gemino sæpe naufragio cūm bonis fortunæ jungitur corporis , animique interitus. Secus accidit ijs , quos pauperies virtutem docuit ; rapiuntur quidem communī cum cæteris fato : sed quia nec opum , nec eorum , quæ nascuntur ex ijs , scelerum opprimuntur pondere , è jactura rerum fluxarum , in portum felicis æternitatis emanant.

III. (c) Simplicitas , innocentia , & lēta paupertas Philemonis ac Baucidis , mirum in modum delectavit Deos , mortali habitu peregrinantes. Cum simplicibus , aiunt sacra proverbia , sermocinatio ejus , nempe Dei. Hos , ut Venerabilis notat Beda , cœlestis sapientiæ secretis illustrat , quia terreni fastūs ac duplicitatis nihil habere considerat. Et Salomon loc. c. c. 19. Melior est pauper , qui ambulat in simplicitate sua , quām dives torquens labia sua. Ille enim doli expers , candidè , innocenter , integrégéque vivit ; hic varias in artes & fraudes se vertit ac torquet , ut paret opes. Iterūmque cap. 15. idem profatur : Melius est parūm cūm timore Domini , quām thesauri magni & insatiabiles. Nam ex his molestiæ , labores , angores , curæ conservandi & augendi ; & superbia in habendis. Tenues autem facultates cum mente boha miram pariunt securitatem , quietem , hilaritatem , modestiam , sobrietatem. Unde S. Chrys. hom. in psal. 4. Paupertatem vocat matrem philosophiæ , id est , veræ sapientiæ. Magnus laudator paupertatis Annaeus , cùm alijs locis , tum epist. 2. Honestissima res est lēta paupertas ; Cui cum paupertate bene convenit , dives est. Non qui parūm habet , sed qui plus cupit , pauper est. Quid enim refert , quantum illi in arca , quantum in horreis jaceat , quantum pascat , quantum sceneret , si non acquisita , sed acquirenda computat ? Quis sit divitarum modus , quæris ? Primus , habere quod necesse est : proximus , quod sat est. Cui , quod satis est , satis non est , nihil ei satis erit. Et Divus Bernardus de quin-

I i 2

que

(b) Paupertas magistra virtutum. (c) Paupertas lata & secura.

que negotiat. Opum collectio plena laboris; possessio plena timoris; amissio plena doloris est. Divitiae, cum amantur, inquinant; cum au- gentur, onerant; cum minuuntur, cruciant. De beata & secura pau- pertate Seneca Poeta in Hippolyto:

Quanti casus humana rotant!
Minor in parvis fortuna furit,
Leviisque ferit leviora Deus.
Servat placidos obscura quies,
Præbētque somnos casa securos.

Idem in Octavia:

----- Bene paupertas
Humili tecto contenta latet:
Quatiunt altas sæpe procellæ,
Aut evertit fortuna domos.

Et Claudianus:

Vivitur exiguo melius: natura beatis
Omnibus esse dedit, si quis cognoverit uti.

Confer inter se pauperem & divitem: cerne vultum utriusque. Hic plenus sollicitudinum tetrica facie tristitiam animi prodit: ille serena fronte sincerum mentis gaudium ostendit; hujus inter curas cor exeden- tes, bracteata felicitas est: illius mens moerore vacua, internæ pacis ju- cunditate perfruitur; Hic quærendi cupiditate anxius, amittendi metu miserrimus, ad omnes fortunæ injurias expositus, quò plus habet, plus cupit: ille in paupertate ditissimus optat, quod satis est, nihil timens: quia nihil habet, quod sibi adhæreat, quod eripi possit. Quàm lètos dies ducit pauper, quàm placidas noctes! dives autem æger animi, morbum suum quoconque pergit, secum trahit, spinis ua- dique circumseptus.

Græcus Comicus ait:

Πενταρ Φίλειν & παντὸς, αὐτὸν σύνδεσ σοφοῦ.

Inopiam ferre non cuiuslibet est, sed viri sapientis.

Qualis fuit Philemon; qualisque erat Abdalonymus, ille, à ligone & pala hortensi ad sceptrum regni Sidonij ab Alexandro M. vocatus. Rogatus, inopiam qua patientiâ tulerit (nam regia stirpe oriundo, cau- sa paupertatis, probitas erat) respondit: utinam eodem animo regnum pati possem! hæ manus suffecere desiderio meo; nihil habenti, nihil defuit. Ex quo sermone magna specimen indolis hausit rex. Curt. lib. 4. c. 2. De paupertate Lucanus lib. 5. Phansal,

----- ô



----- *o vita tuta facultas
Pauperis, angustique laris! o munera nondum
Intellecta deum! quibus hoc contingere templis,
Aut potuit muris, nullo trepidare tumultu,
Cæsarea pulsante manu?*

Et Petrarcha lib. 1. de remediis utriusque fortunæ. Paupertas mihi gravis est, imò tu gravior paupertati. Non in paupertate vitium est, sed in paupere. Illa expedita est, hilaris, tuta; tu illam opinione gravem reddis.

IV. (d) Apparuit in his conjugibus liberalis paupertas. Primo receperunt humanissimè in tugurium suum hospites, ubique exclusos. 2. Apparaverunt cænulum juxta fortunulas suas, ne unico quidem anseri parsuri. 3. Bonos super omnia addiderunt vultus, & mira comitate paupertinam mensulam condiebant. Verissimè sapientissimus & opulentissimus regum. Prov. 15. *Melius est, vocari ad olera cum charitate, quam ad vitulum saginatum cum odio.* Hospitalitatis enim virtus non tam in splendore epularum, quam in animi benevolentia, & officiosa charitate consistit. Hinc Siracides c. 35. *In omni dato hilarem fac vultum tuum.* Et Tobias senior hoc juniori præceptum dedit cap. 4. *Si multum tibi fuerit abundantier tribue: Si exiguum tibi fuerit, etiam exiguum libenter imperi stude.* Fecerunt hoc Philemon & Baucis. Hic ruborem ducant illi, qui in Deos ipsos sordidi sunt, quibus offerunt facem & vappam, ipsi florrem vini bibunt. Barbari in novo orbe inveniuntur, qui detritos calceos Montium & Viarum diis dedicant, ut prosperum iter obtineant. Sic quidam eius rei, quam forte inveniret, dimidium vovit. Reperit in via saculum nucibus plenum; nucleus ipse voravit, putamina ad statuam Mercurii projicit. Alexandro Magno etiamnum puerō sine parsimonia thura ingerenti aris, paedagogus Leonides dixerat, ut illo modo, cum deviciisset odoriferas regiones, supplicaret. At ille Arabia potitus, thure onustam navim misit, exhortatus, ut largè deos adoraret.

V. (e) Sed jam huius in paupere censu beneficentiae præmium videamus; nam Superi non tam ad operis magnitudinem, quam animi promptitudinem attendunt. Bonam, inquit S. Augustinus in Psal. 105. Deus voluntatem coronat, quando non invenit facultatem. Et teste D. Bernardo, tantum mereris, quantum vis; bona crescente voluntate, pariter crescit & meritum. Sicut crevit pauperibus his conjugibus. Nam 1. communī aquarum inundantium cladi soli ex omnibus subtracti sunt.

I i 3

2. Ipsorum

(d) *Paupertas liberalis.* (e) *Remuneratio paupertatis beneficia.*